

Bosna i Hercegovina
Federacija Bosne i Hercegovine
Tuzlanski kanton
Grad Tuzla
Služba za kulturu, sport,
mlade i socijalnu zaštitu
Broj: 17/11-A-14000-2025
Tuzla, 4.9.2025. godine

Na osnovu člana 8. Pravilnika o kriterijima, načinu i postupku dodjele sredstava iz Budžeta Grada Tuzle sa pozicije „Tekući transfer za mobilnost mladih“ („Službeni glasnik Grada Tuzla“, broj: 7/25), Služba za kulturu, sport, mlade i socijalnu zaštitu, dana 4.9.2025. godine raspisuje:

JAVNI POZIV
za dodjelu sredstava iz Budžeta Grada Tuzle sa pozicije „Tekući transfer
za mobilnost mladih“

I – Predmet javnog poziva

Predmet Javnog poziva je dodjela finansijskih sredstava iz Budžeta Grada Tuzle za mobilnost mladih. Namjenska sredstava planirana su na poziciji „Tekući transfer za mobilnost mladih“ u iznosu od 10.000,00 KM.

Pod pojmom "mobilnost mladih", smatra se učešće mladih na:

- domaćim, regionalnim i međunarodnim edukacijama, radionicama i seminarima, konferencijama i kongresima;
- domaćim, regionalnim i međunarodnim takmičenjima u oblasti nauke, kulture i umjetnosti;
- kratkoročne i srednjoročne posjete u svrhu rada na projektu, istraživanju ili uspostavljanju saradnje na realizaciji projekata od značaja za lokalnu zajednicu;
- stručno usavršavanje i strukovni susreti (susreti učenika i studenata iste struke);
- domaćim, regionalnim i međunarodnim školama koje promovišu neformalno obrazovanje, volonterizam i humanitarni rad (ljetnje škole, škole u prirodi, volonterski kampovi i sl.) i
- studijskim posjetama u cilju razvoja saradnje među mladima.

Finansijska sredstva sa pozicije „Tekući transfer za mobilnost mladih“ dodjeljivat će se isključivo za finansiranje/sufinansiranje sljedećih troškova:

- putni toškovi (troškovi goriva, autobuske, vozne, avionske ili druge putne karte);
- koatizacije i
- vize.

II – Pravo učešća

Pravo na dodjelu sredstava iz Budžeta Grada Tuzle sa pozicije „Tekući transfer za mobilnost mladih“ mogu ostvariti pojedinci, učenici i studenti koji se nalaze na redovnom školovanju u osnovnim, srednjim i visokoškolskim ustanovama, nezaposlene mlade osobe, aktivisti, članovi, volonteri nevladinih organizacija uz ispunjavanje sljedećih uslova:

- da su državljani Bosne i Hercegovine;
- da imaju prebivalište na području grada Tuzle duže od jedne (1) godine.

Pod pojmom "mladi", a prema Članu 4. Zakona o mladima Federacije Bosne i Hercegovine, smatraju se osobe u životnoj dobi od navršениh 15 do navršениh 30 godina starosti.

III – Prijava na Javni poziv

Prijave na Javni poziv podnose se na propisanom prijavnom obrascu koji se objavljuje u prilogu ovog Javnog poziva na službenoj internet stranici Grada Tuzle (grad.tuzla.ba). Prijavni obrazac može se preuzeti i u Centru za pružanje usluga građanima (šalter sala).

Uz popunjen prijavni obrazac aplikanti su dužni dostaviti sljedeće:

1. izvod iz matične knjige rođenih (fotokopija);
2. uvjerenje o državljanstvu (fotokopija);
3. dokument iz kojeg je moguće utvrditi činjenicu da lice ne ostvaruje primanja po osnovu radnog odnosa (uvjerenje JU Službe za zapošljavanje - za nezaposlene mlade, ili potvrda kojom se dokazuje status redovnog učenika ili studenta) – original ili ovjerena fotokopija (ne starije od 30 dana od dana podnošenja prijave);
4. poziv za učešće ili dokaz o učešća u aktivnosti;
5. motivaciono pismo;
6. ugovor sa bankom o otvaranju ili potvrda banke o otvorenom tekućem računu podnosioca prijave (fotokopija).

Osoba koja koristi pomoć ličnog asistenta, a želi da aplicira za dodjelu sredstva sa pozicije „Tekući transfer za mobilnost mladih“ u prijavnom obrascu navodi da potražuje troškove za sebe kao korisnika i za ličnog asistenta. Uz obrazac prijave i propisanu dokumentaciju, aplikant dostavlja izjavu o korištenju pomoći ličnog asistenta. Dokumentacija za ličnog asistenta se ne dostavlja.

Provjeru evidencije prebivališta za aplikante vršit će nadležna Služba po službenoj dužnosti.

IV – Osnovni kriteriji odabira

Osnovni kriteriji odabira određeni su Pravilnikom o kriterijima, načinu i postupku dodjele sredstava iz Budžeta Grada Tuzle sa pozicije „Tekući transfer za mobilnost mladih“ („Službeni glasnik Grada Tuzla“, broj: 7/25).

Maksimalni iznos sredstava u jednoj godini, za jednu osobu iznosi:

- 300,00 KM za putne troškove i troškove kotizacije u svrhu aktivnosti koje se odvijaju unutar Bosne i Hercegovine;
- 500,00 KM za putne troškove, troškove kotizacije u svrhu aktivnosti koje se odvijaju u zemljama regiona: Hrvatska, Srbija, Slovenija, Makedonija, Kosovo i Crna Gora,
- 600,00 KM za putne troškove, troškove kotizacije, troškove vize i boravka u svrhu aktivnosti koje se odvijaju ostalim ne pomenutim zemljama.

Pravo na dodjelu sredstava pojedinac može ostvariti samo jednom u toku jedne budžetske godine, za troškove nastale u tekućoj godini.

Finansijskim sredstvima iz Budžeta Grada Tuzle sa pozicije „Tekući transfer za mobilnost mladih“ neće se finansirati troškovi boravka (smještaj i hrana), kao i putovanja i učešća u aktivnostima vezanima za političke stranke u i van Bosne i Hercegovine koje organizuju domaće i inostrane političke stranke.

V – Mjesto i rok dostave prijava na javni poziv

Prijave na Javni poziv sa pratećom dokumentacijom dostavljaju se u zatvorenoj koverti preporučenom poštom ili predaju lično u Centru za pružanje usluga građanima (šalter sala) u zgradi Gradske uprave, na adresu:

GRAD TUZLA

Služba za kulturu, sport, mlade i socijalnu zaštitu

Ulica ZAVNOBiH -a br.11

75 000 Tuzla

sa obaveznom naznakom:

“JAVNI POZIV

za dodjelu sredstava iz Budžeta Grada Tuzle sa pozicije „Tekući transfer za mobilnost mladih“ NE OTVARATI”

Javni poziv ostaje otvoren **21** dan od dana objavljivanja, a zaključno sa 25.09.2025. godine. Aplikacije koje budu pristigle poslije navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. Aplikacije poslone na bilo koji drugi način (napr. faksom ili e – mailom) neće biti uzete u razmatranje. Vanjska strana koverta mora sadržavati naziv i adresu aplikanta.

VI – Način objavljivanja rezultata i dodatne informacije

Nakon završenog postupka pregleda i procjene prijava, na zvaničnoj stranici Grada Tuzle (grad.tuzla.ba), bit će objavljena Lista aplikanata koji su ispunili uslove javnog poziva, kao i Lista aplikanata koji nisu ispunili uslove javnog poziva, sa naznakom koji uslov nije ispunjen.

Sve dodatne informacije o načinu i postupku učešća na Javnom pozivu mogu se dobiti u Službi za kulturu, sport, mlade i socijalnu zaštitu Grada Tuzle putem telefona: 035/307-327, 035/307-414 ili slanjem pitanja na e-mail adrese: mirza.meskovic@tuzla.ba ili maja.ivic@tuzla.ba

Napomena: Riječi i pojmovi koji imaju rodno značenje, bez obzira jesu li u ovom dokumentu korišteni u muškom ili ženskom rodu, odnose se na jednak način na muški i ženski rod.

**Služba za kulturu, sport, mlade
i socijalnu zaštitu**